

Broj: 02/03-28-5328/16-4

Sarajevo, 28.11.2016. godine

Zapisnik sa sastanka Privrednog/poslovnog savjeta Općine Novi Grad Sarajevo

Shodno Odluci Općinskog načelnika o formiranju Privrednog/poslovnog savjeta Općine Novi Grad Sarajevo broj 02/03-28-4231/16 od 11.02.2016. godine, dana 28.11.2016. godine sa početkom u 15:00 sati, održana je četvrta po redu sjednica pomenutog radnog tijela u prostorijama Općine Novi Grad Sarajevo. Sjednici su prisustvovali Semir Efendić - predsjednik privrednog/poslovnog savjeta, Safudin Čengić – član, Huso Ćesir – član, Muharem Šabić – član, Hamed Ramić - član, Amer Bukvić – član, Džemaludin Kahrović – član i Mirela Bubalo – tehnički sekretar. Opravdano odsutan – Erdal Trhulj – zamjenik predsjednika i Rusmir Hrvić – član. Na pomenutoj sjednici razmatran je slijedeći

D N E V N I R E D

- 1) Usvajanje zapisnika sa prethodne sjednice Privrednog/poslovnog savjeta;
- 2) Analiza ankete privrednika (800 mail adresa kompanija sa teritorije općine Novi Grad Sarajevo)
- 3) Sajam privrede u Skenderiji
- 4) Prezentacija sektora turizma na području općine Novi Grad
- 5) Izvještaj o obilježavanju globalne sedmice poduzetništva
- 6) Tekuća pitanja

1. Usvajanje zapisnika sa prethodne sjednice Privrednog/poslovnog savjeta;

Zapisnik jednoglasno usvojen, uz sugestiju da se ubuduće šalju elektronski svim članovima privrednog/poslovnog savjeta.

2. Analiza ankete privrednika (800 mail adresa kompanija sa teritorije općine Novi Grad Sarajevo)

Rezultati ankete su prezentovani prisutnima od strane pomoćnika Službe za privredu i lokalni ekonomski razvoj. Anketno ispitivanje je provedeno putem kreiranog anketnog upitnika, sa ciljem provjere zadovoljstva privrednika sa aktuelnim mjerama podsticaja koje provodi Općina Novi Grad Sarajevo i obezbjeđenja prijedloga inicijativa za nove mjere. Rezultati ankete će se koristiti prilikom izrade Programa rada 2017. godine kao i u okviru revizije Strategije razvoja Općine Novi Grad Sarajevo za period 2017.-2020., te prilikom izrade Planova infrastrukturnog razvoja, izrade Budžeta itd.

3. Sajam privrede u Skenderiji

Prisutni su upoznati da je Općina Novi Grad Sarajevo osigurala zakup 50m kvadratnih uređenog izložbeno-prodajnog prostora na sajmu za mala i srednja preduzeća proizvodno-prerađivačkih i uslužnih djelatnosti iz Bosanske tržnice, te je između ostalog članovim Savjeta ponudila besplatnu mogućnost učešća.

4. Prezentacija sektora turizma na području općine Novi Grad

Dostavljeni su materijali o turističkim kretanjima za mjesec august, septembar i oktobar 2016. godine za područje općine Novi Grad Sarajevo, potencijali za razvoj turizma u Novom Gradu, te informacija o zaštićenom kulturno-historijskom naslijeđu na teritoriji općine. Informacija je uzeta u razmatranje od strane članova Savjeta.

5. Izvještaj o obilježavanju globalne sedmice poduzetništva

Podnešen je izvještaj o manifestacijama obilježavanja Globalne sedmice poduzetništva. Iste je prihvaćen.

6. Tekuća pitanja

- Savjet predlaže

- što hitnije organizovanje susreta privrednika Općine Novi Grad Sarajevo
- snažniju i agresivniju promociju privrede i mjera podrške privredi
- da se u okviru obilježavanja Dana općine 16.12. dodijeli priznanje najuspješnijem privrednom kolektivu (po kriterijumima koje Služba za privredu i lokalni ekonomski razvoj dostavi)

Nakon diskusije prisutnih doneseni su slijedeći

Z a k l j u č c i

1. Potrebno je raditi na poboljšanju komunikacije sa privrednicima, obzirom da je odziv onih koji su odgovorili na anketni upitnik bio nezadovoljavajući u odnosu na broj e-mail adresa na koje je isti prosljeđen.

2. Potrebno je organizovati redovna druženja Općinskog načelnika sa predstavnicima medijskih kuća, po mogućnosti kvartalno, te u redovan rad Savjeta uključiti nekoga od predstavnika medija kao dopunskog člana.

3. Služba za privredu i lokalni ekonomski razvoj se zadužuje da definiše kriterijume i parametre, te predloži firme koje posluju na području Općine Novi Grad Sarajevo za dodjelu općinskog priznanja povodom obilježavanja Dana općine Novi Grad Sarajevo koje će se održati 16.12.2016. u 14:00 sati.

4. Privredni/poslovni savjet traži od Službe za privredu i lokalni ekonomski razvoj da planira organizovanje susreta privrednika najkasnije početkom februara 2017. godine.

5. Privredni/poslovni savjet predlaže da u narednom periodu Općinski načelnik zajedno sa općinskom delegacijom sastavljenom od izabranih vijećnika i pomoćnika napravi plan za mjesečni obilazak privrednih subjekata sa područja Novog Grada.

Sjednica je završena u 18:00 sati

Zapisnik vodila: Mirela Bubalo

DOSTAVITI:

1. Predsjedniku Privrednog/poslovnog savjeta
2. Zamjeniku predsjednika Privrednog/poslovnog savjeta
3. Tehničkom sekretaru Privrednog/poslovnog savjeta
3. Članovima Privrednog/poslovnog savjeta x 6
4. Arhivi

Predsjednik Privrednog/poslovnog savjeta

mr. Semir Efendić